

## Педагогикалық кеңес

### Хаттама №1

27.08.2021ж

Қатысқандар саны: 12

**Тақырыбы:** «Балаларды жаңартылған бағдарламамен оқытып, тәрбилеу – тәрбиеші-педагогтардың басты міндеті»

#### Күн тәртібінде:

1. Балабақшаның жылдық жоспары мен ұйымдастырылған оқу – қызметінің кестесін бекіту туралы. Меңгеруші А.Жаштаева. Әдіскер М.Тұңғатова
  2. «Сыни ойлау техногиясы» баяндама туралы. Тәрбиеші М.Еспенбетова
  3. Тәрбиешілердің шығармашылық жұмыс тақырыптарын бекіту туралы. Әдіскер М.Тұңғатова
  4. Психологиялық тренинг туралы. Психолог А.Бердібаева.
  5. Ішкі еңбек тәртібі туралы. Меңгеруші А.Жаштаева.
  6. Бақылау және басқару. Жедел бақылау. Меңгеруші А.Жаштаева.
  7. Ата-аналардың келісім шарттары туралы. Меңгеруші А.Жаштаева.
1. Тыңдалды. Балабақша меңгерушісі Жаштаева Айша Сапарқызы сөз сөйледі. Ол өз сөзінде 2021-2022 жаңа оқу жылымен әріптестерді құттықтады. Алдағы оқу жылында жан-жақты ізденіп, үлкен жетістіктерге жетеді деген сенімдемін деді.

Балабақша әдіскері Тұңғатова Махпал сөз алды :- ҚР МДҰ-Да 2021-2022 оқу жылында оқыту мен тәрбиелеу туралы әдістемелік нұсқаулық бойынша Мемлекеттік стандарт бойынша ешқандай өзгеріс бар. Бұрын базистік оқу жоспары деп берілсе, енді үлгілік оқу жоспары болып келді. 4 топ тәрбиешілері перспективалық жоспармен апталық циклограммалардың жоспарларын алдын ала, бір жылғы оқу жылына түзіп қоясыздар. Биылғы оқу

жылында 58 өтпелі тақырыптар берілген . Әр айға балабақша бойынша бір өтпелі тақырып қоясыздар. Қазір мен сіздерге мына төмендегі тақырып тізімдерін ұсынамы. Сіздер келіссеңіздер осы тақырыптарды меңгерушіге бекітіріп аламыз .

1. «Балабақшада»
2. « Менің отбасым»
3. «Дені саудың жаны сау»
- 4 «Менің Қазақстаным»
- 5 «Табиғат әлемі»
6. «Бізді қоршаған әлем»
7. «Салттар мен фольклор»
8. «Біз еңбекқор баламыз»
9. «Жайдары жаз келді»

Білім беру процесінің негізгі міндеттері:

1. Мектепке дейінгі ұйымда балалардың табысты бейімделуі мен дамуы үшін жағдай жасау.
2. Коммуникативтілік ,креативтілік ,сыни ойлау,ынтымақтастық және командада жұмыс істей білуді меңгерту.
4. Балаларды жалпы адамзаттық құндылықтарға баулу.

Сондай ақ, әдіскер МДҰ –ның үлгілік жоспарындағы әрбір топ бойынша ұйымдастырылған оқу қызметтерінің көлемі мен ұзақтығына және вариативтік компоненттердің қай топтарда өтілетіндігі мен апталық сағат саны туралы қысқаша айтып өтті.

2. Тыңдалды. Балабақша тәрбиешісі Еспенбетова Мөлдір «Сыни ойлау технологиясы» атты баяндама оқыды.

-«Сыни ойлау технологиясын » қолдану-балаға тәрбиешінің сұрақтарына жауап беруден емес, өз сұрақтарына жауап алуға мүмкіндік береді. Педагогтардың «сыни ойлау » технологиясының тиімділік әдістері мен тәсілдерін қалыптасытраты.



Сыни ойлау дағдылары:

- Затты, қасиеттері мен белгілерін ауызша сипаттау бойынша табу.
- Екі немесе одан артық нышандардың жалпы және түрлі белгілерін табу.
- Ауызша сипаттау бойынша нысанамен жасауға мүмкін болатын әрекет табу.
- Бір затқа қолданылатын әрекеттерді басқасына ауыстыру.
- Шығармашылық әңгіме, ертегі, жұмбақ құрастыру. Сыни ойлау технологиясын қолдану - балаға тәрбиешінің сұрақтарына жауап алуға мүмкіндік туады.

**3.Тыңдалды.** Балабақша әдіскері М.Тұңғатова сөз алды. Ол сөзінде -- жылдағы дәстүр бойынша тәрбиешілердің шығармашылық жұмыс тақырыптары бекітуіміз керек деді.

- 1."Денсаулық технологиясы"—А.Адилова.
- 2."Монтессори технологиясы"—А. Баубекова.
- 3."Ертегі терапиясы"—Г. Молдабек.
- 4."Балабақша және театр"—Ф.Набатова
- 5."Бүлдіршіндерді салауатты өмір салтына баулу"- М.Еспенбетова
- 6."ТРИЗ технологиясы"—Н.Әлзатова..
- 7."Ойын технологиясы"—С. Құрбанова
- 8."Денсаулық технологиясы"—А.Баубекова

**4.Тыңдалды.** Балабақша психологі Бердібаева Айтолқын сөз сөйледі. Ол тәрбиешілер мен педагогтарға арналған "Менің көңіл күйім" атты психологиялық тренинг ұйымдастырды.

**5.Тыңдалды.** Балабақша меңгерушісі А.Жаштаева сөз сөйледі. Ол өз сөзінде: Құрметті әріптестер, әрбір мекеменің өзінің ішкі тәртіп ережелері мен лауазымдық міндеттерінің бекітілген ережелері болады. Ішкі тәртіпті бұзған қызметкерге тәртіптік шаралар қолданылады. Бұл туралы Еңбек Кодексінің 63,64,65,66-баптарында жазылған. Біздің балабақшаның ішкі тәртіп ережелері қандай? Таңертең сағ.8де кешікпей келу. 18-19да жұмыстан қайту. Түсте сағ.13-14 де 1сағ. түскі үзіліс, яғни демалыс беріледі.

Басшының рұқсатынсыз балабақшаны, балаларды тастап шығып кетуге қатаң тыйым салынады. Сондай-ақ, сабақ жоспарын уақтылы жазып және уақтылы сабақ өту. Бекітілген күн тәртібі бойынша серуен, гигиеналық шаралар, тамақ ішу, спорттық ойындар және басқа да балалармен аткарылатын жұмыстарды бұлжытпай орындау. Сонымен қатар, балабақша мүлкін күтіп ұстау, бөлмелерді таза ұстау – ішкі тәртіп ережелеріне жатады.

**Сөйлегендер:**

**А.Баубекова:** Меңгеруші апай бәрін орынды айтты. Барлық ережелерді уақтымен орындауға болады және орындаймыз.

**6. Тыңдалды.** Балабақша меңгерушісі Жаштаева Айша апай сөз сөйледі. Ол өз сөзінде 2021 жылдың 26-тамыз күні Бақылау және басшылық бойынша “шолу тексеру” болып өткенін айтты.

• Тәрбиешілер, стандарт талабына сәйкес топтарда 5 білім саласы бойынша заттық-дамыту орталықтары жаңа материалдармен толықтырылуы қажет. Шолып, тексеріп шықтым, ешнәрсе жаңартылмаған.. ағымдағы жөндеуден кейін шаршап қалдыңыздар ма, білмеймін, еш жаңалық көрмедім. Тек Айгөлек тобында ғана фетра материалдан жасалған ойыншықтар бар екен. Жазғы сауықтыру жоспарлары барлық топта бар, жазылған екен, тугел бәрін маған тапсырыңыздар. 2021-2022 жана оқу жылына даптерлер арналған екен, енді оларды баулап, нөмірлеп, бекітуге беріңіздер. Перспективалық жоспарды аса ұқыптылықпен, жауапкершілікпен, жан- жақты іздніп жазыңыздар деді меңгеруші.

#### **Сөйлегендер:**

**Молдабек Гүлчехра:** - Айша апайдың айтқан сөздеріне толық қосыламын. Өктеу, сырлау жұмыстарын жүргізіп, таяуда біттік. Енді құрал- жабдықтарды реттеуге кірісеміз.

**7. Тыңдалды.** Балабақша меңгерушісі сөз сөйледі: -- Балабақшаға жаңа келген балардың құжаттарын: денсаулық паспорты, туу туралы куәлігі, ата- анасының растайтын құжаты, жолдама және ата- аңаның балабақшамен келісім – шарт жасалған құжаттары, 3/4 баланың фотосы болу керек.

#### **Сөйлегендер:**

**Баубекова Алмагул, тәрбиеші:** - балалардың құжаттарын жинақтауды бастағанбыз. ата- анамен келісім– шарттарын толтырып, кол қойдырып шығамыз.

#### **Шешім:**

1. Балабақшаның жылдық жоспары мен ұйымдастырылған оқу қызметінің кестесі бекітілсін.
2. Әдіскер М. Тұңғатованың баяндамасы хаттамаға тігілсін..
3. Тәрбиешілердің шығармашылық жұмыс тақырыптары бекітілсін.
4. Психолог А. Бердібаеваның тренингі хаттамаға тігілсін.
5. Қызметкерлер арасында ішкі еңбек тәртібі қатаң сақталсын.
6. Балабақша тәрбиешілері заттық- дамыту орталықтарын толықтырсын.
7. Балалардың құжаттары тез арада жинақталсын.

Педагогикалық кеңес төрайымы:

Хатшы:



А. Жаштаева

М. Еспенбетова

27.08.2021 ж.



## Педагогикалық кеңес

№2 Хаттама

22.11.2022ж

Қатысқандар саны-9

Мақсаты: « Әрбір бала жұлдыздай, жарқырауға көмек бер».

Күн тәртібінде :

1. Өткен кеңес шешімдерінің орындалуы туралы. Меңгеруші.
2. Баяндама «Денсаулық технологиясы мен салауатты өмір салтының ережелері»  
Баяндама. Әдіскер А.Мауленова.
3. Бақылау және басшылық. «Балалардың танымдық дағдыларын дамытуда әдіс-тәсілдерді тиімді пайдалану » Әдіскер А.Мауленова. «Айгөлек » ортаңғы тобы.
4. Ашық іс-әрекеттерді талдау туралы. Меңгеруші А. Жаштаева .
- 5..Психологиялық тренинг. Психолог А. Бердібаева .

1. Тыңдалды. Балабақша меңгерушісі Жаштаева Айша Сапарқызы сөз сөйледі.Ол өз сөзінде өткен кеңес шешімдеріне тоқталды.

—Балабақшаның жылдық жоспары мен ұйымдастырылған іс – әрекетінің кестесі мен күн тәртібі бекітілді.

Әдіскер М.Еспенбетованың баяндамасы хаттамаға тігілді.

Тәрбиешілердің шығармашылық жұмыс тақырыптары бекітілді. Психолог А. Бердібаеваның психотренингі хаттамаға тігілді. Қызметкерлерге ішкі еңбек тәртібі түсіндірілді. Тәрбиешілер заттық-кеңістік дамыту орталықтарын толықтырды.

2. Тыңдалды.Әдіскер М.Еспенбетова бала күтімі бойынша демалысқа шығуына байланысты оның орнына уақытша болған әдіскер А.Мауленова «Денсаулық технологиясы мен салауатты өмір салтының ережелері» атты баяндама оқыды.

Сөйлегендер : Адилова Айгерім, тәрбиеші : - Маған әдіскер Алия ханымның жасаған баяндамасы ұнады. Салауатты өмір салтын ұстану-бүкіл халықтың алдындағы мақсат-міндеті. Біздер, тәрбиешілер де бала тәрбиелеу саласында жүргендіктен, салауатты өмір салтын үйретуіміз керек, - деді

3. Тыңдалды. Балабақша меңгерушісі Жаштаева Айша апай 2022 жылдың 18-қазан күні Бақылау және басшылық бойынша «Айгөлек» ортаңғы тобында тақырыптық зерделеу жүргізді. Тақырыбы: «Балалардың танымдық дағдыларын дамытуда әдіс-тәсілдерді тиімді пайдалану». Мақсаты: Тәрбиеші таным саласы бойынша балаларға қызықты әрі маңыздылығы бар жаңа технологияларды дұрыс қолдана біледі ме

Тәрбиеші : Адилова Айгерім. Балалардың логикалық ойлау қабілеттерін дамыту мақсатында . «Үй құрастырамыз» тақырыбын алып, балаларға түрлі құрастырғыш- леголардан геометриялық пішіндерді құрастырып алып, содан кейін үйдің қабырғасын, шатырын, есік-терезесін құрастыруды үйретті. Балалар қызыға орындады. Келесі сәтте Воскобович технологиясы бойынша тақтайшалардағы шегелерге резеңкені керу арқылы да түрлі геометриялық пішіндерден үйдің қабырғасын, шатырын, есіктерін жасауға болатынын үйретті. Балалар бұл әдіске де қызығушылық танытты. Жалпы алғанда, тәрбиеші Адилова Айгерім балалармен жұмыс жасауда тәжірибесінң мол екендігін байқатты. Алайда, балалармен жұмыс барысында еңбекке, ұйымшылдыққа, отбасы құндылықтарына арналған көркем сөздер мен мақал-мәтелдерді де үйретуі қажет еді. Қазіргі стандартқа енгізілген ерекшелік-баланы жан-жақты дамыту, дағдыландыру . Қорыта келе, тәрбиешіге «жақсы» деген баға беріледі, - деді меңгеруші.

4. Тыңдалды. Балабақша меңгерушісі Айша Сапар қызы сөйледі. Ол өз сөзінде 2022 жылдың 1-қыркүйегінде «Балдырған» ортаңғы тобында «30-тамыз-Конституция күні және 1-қыркүйек – Білім күні» атты ашық іс-әрекет болып өтті. Тәрбиешілер: А. Мауленова, Н. Альзатова. Балалар мерекелік киім киген, ата-заңымыз бен білім күніне арналған тақпақтарын айтты. Қыздар тобы «флешмоб» биін биледі. Балалар «Жау жаңбыр» әнін хормен орындады. Сондай-ақ «Әрқашан күн сөнбесін» әнін хормен айтты.

Жетістігі: Балалар хоры жақсы шықты.

Кемшілігі: Балалардың шығармашылық нөмірлері аз болды.

Ұсыныс:

Алдағы уақытта көрініс, рөлдік-желілік ойындарды қосу керек, - деді.

2022- жылдың 22 қазанда «Армысың, Алтын күз» атты балалардың қатысуымен ертеңгілік ұйымдастырылды. Тәрбиешілер- Мауленова Алия (Ересек тобы), Адилова Айгерім (Ортаңғы топ). Екі топтың да тәрбиешілері жақсы дайындалған. Күз мезгіліне арналған тақпақтарын бүлдіршіндер өте жақсы айтып шықты. «Жапырақтар» биін екі топтың да қыздары икемділікпен жақсы биледі. Ортаңғы топтың қыздар тобы «Сары жапырақтар» биін жақсы биледі. Ересек тобының бүлдіршіні Давуд Ғазиза «Қырманға кел, қалқатай» әнін өте жақсы орындады. Қорыта

келе, мерекені жақсы деңгейде ұйымдастырған тәрбиешілерге «жақсы» деген баға беріледі, деді меңгеруші.

5.Тыңдалды. Балабақша психологі Бердібаева Айтолқын педагоготармен тренинг ұйымдастырды.

Тақырыбы: «Менің көңіл-күйім» .

Сөйлегендер:

Альзатова Нұрсұлу: - Айтолқын апайдың тренингі өзіме ұнады. Көңіл-күйім көтеріліп, жұмысыма деген құлшынысым артты. Көп рахмет.

Шешім:

- 1.Өткен кеңес шешімдері орындалды.
- 2.Әдіскер А.Мауленованың баяндамасы хаттамаға тігілсін
3. «Бақылау және басшылық» бойынша тақырыптық тексеру қорытындысы бойынша тәрбиеші А.Адиловаға жақсы деген баға берілсін.
- 4 «Балдырған» және «Айгөлек» топтарының тәрбиешілері М.Еспенбетоваға, А.Баубековаға, Н.Альзатоваға «Білім күні» ертеңгілігі мен күз мерекесіне ашық көрсетілім ұйымдастырғаны үшін «жақсы» деген баға берілсін.
5. Психолог А.Бердібаеваның ұйымдастырған психологиялық тренингі не «өте жақсы» деген баға берілсін және растайтын құжаттары хаттамаға тігілсін .

Кеңес төрайымы:



А.Жаштаева

Хатшы



Г.Молдабек.

22.11.2022



Педагогикалық кеңес

Хаттама №3

24.02.2022ж

Қатысқандар саны-11

Тақырыбы: «Баланы шамадан тыс көп тапсырма беріп емес,біліміне ,сұранысы мен қабілетіне сәйкес дайындалған тапсырмалар арқылы дамыту».

Күн тәртібінде:

- 1.Өткен кеңес шешімдерінің орындалуы туралы. Меңгеруші А.Жаштаева.
  2. «Балалардың денсаулығын қалыптастыруға арналған салауатты өмір салтының маңыздылығын педагогтарға насихаттау. » Медбике Тастанова Жансая.
  - 3.Бейнелеуге үйретудегі қолданылатын технологиялық әдістер . Пікіралмасу. Әдіскер М.Еспенбетова.
  4. Тәрбиешілерді аттестаттау туралы. Меңгеруші А.Жаштаева.
  5. Ашық оқу іс-әрекеттерін талдау,талқылау туралы .Меңгеруші А.Жаштаева.
  6. Психологиялық тренинг туралы.Психолог А.Бедібаева.
1. Тыңдалды. Балабақша меңгерушісі Жаштаева Айша Сапарқызы сөз сөйледі. Ол өз сөзінде өткен кеңес шешімдерінің орындалғаны туралы айтты.Жас маман тәрбиеші Набатова ға тәлімгер болып тәрбиеші Еспенбетова Мөлдір бекітілді. Әдіскер М.Тұңғатованың баяндамасы хаттамаға тігілді.
2. Тыңдалды. Балабақша медбикесі Тастанова Жансая «Балалардың денсаулығын қалыптастыруға арналған салауатты өмір салтының маңыздылығын педагогтарға насихаттау» баяндама оқыды. Ол өз баяндамасында бүкіл адамзаттың ең басты міндеті-салауатты өмір салтын ұстанып ,өз денсаулықтарын күту ,ұзақ өмір сүру. Сондықтан әрбір баланың физиологиялық дамуын басты мақсат етіп, күн тәртібін түзу керек. Күнделікті күн тәртібімен таңертең ерте тұрып, таңғы жатығу жасау ,жылы ,салқын сумен жуыну ,сүтті тағамдар , физикалық еңбек,жеміс-жидектер рационы күн сайын болу керек. Әрбір баланың баланың жас ерекшелігіне қарай бойлары мен салмақтарының стандарттық өлшемі бар . Осы өлшемшартты 6 ай сайын өлшеп тұрамыз. Ата-аналарымен кеңесіп, үй жағдайында да күн тәртібін бұлжытпай орындауға кеңес беріп отырамын. Әр топта 2 ай сайын дене,бұлшық еттерін ,қол аяқ моторикасын дамыту мақсатында денсаулық мерекелері мен денешынықтыру ,спорттық сайыстар ұйымдастырылады. Сонымен



қатар ,балаларды авитаминоздан сақтандыру мен күнделікті дастарханда жемістер мен көкөністер көптеп болу керек. , -деді медбике.

Баяндама бойынша жарыссөзге шыққандар:

Баубекова Алмагүл ,тәрбиеші : - Маған мед.бике Тастанова Жансаяның жасаған баяндамасы ұнады. Әрбір бала өмірі мен денсаулығы Отанымыз үшін маңызды. Дені сау бала-дені сау ,дамыған ұлт. Сондықтан салауатты өмір салтын ұстануға дағдыландыру керек. Рахмет.

Адилова Айгерім,тәрбиеші: -Сау дене,таза ақыл ,адал көңіл

Үшеуімен бақытты болар өмір.

Оқу үшін мектепте

Ашу үшін табетті

Құру үшін сен саулық

Керек жақсы денсаулық!.,-деп ақындар жырлағандай балаларымыз дені сау болып өсіп-өне берсін. Рахмет.

3. Тыңдалды. Балабақша әдіскері Еспенбетова Мөлдір сөз сөйледі . Ол өз сөзінде

-Құрметті әріптестер,бүгін біз пікір алмасамыз. Тақырыбы: «Бейнелеуге үйретудегі қолданылатын әдіс,тәсілдер.»

Адилова Айгерім : - Мен ұйымдастырылған оқу іс-әрекеттерімде эстамп әдісін жиі қолданамын. Сондай ақ, трафарет әдісі де өте қолайлы. ТРИЗ технологиясы бәрімізге белгілі. Мысалы,қар,су,тастақ жол,ағаштар мен гүлдер ,бұлардың бәрін ракушка,манка ұнтағын,пенопласттар,,ағаштар жапырағын салфеткалардан жасауға болады.Сондай ақ,картоп,сәбіздерден геометриялық пішіндер жасап,кез келген бояуға батырып,габиғат көріністерін салуға болады,-деп ойлаймын.

Әлзатова Нұрсұлу,тәрбиеші:- Себезгілеу арқылы жылдың 4 мезгілін бейнелееуге болады,әріптестер. Сонымен қатар,қаламсапты түтікше етіп алып,бояуларды түтікшеге жинап ,үпірген кезде отшашу болып керемет өнер пайда болатынын айтқым келеді.

Еспенбетова Мөлдір,әдіскер: -Рахмет әріптестер, өте керемет пікіралмасу болды. Енді шығармашылық білім саласы бойынша осы аталған тәсілдерді қолдансаңыздар жақсы болар еді. ,деген тілегім бар.

4. Тыңдалды. Балабақша меңгерушісі Жаштаева Айша Сапарқызы сөз сөйледі. Ол өз сөзінде :- 2021-2022 оқу жылында санат алмаған тәрбиешілер тест орталыққа барып тест тапсырып,модератор санатын алу үшін тестке дайындалып жүріңіздер,-деді. Тестке баратын тәрбиешілер: Құрбанова Сауле,Әлзатова Нұрсұлу ,Молдабек Гүлчехра ,Мауленова Алия,Адилова Айгерім. Тест нәтижесінен бөлек,еңбек жылындағы жетістіктері де қажет болады.Сол үшін дайындалып жүріңіздео , -деді меңгеруші.

5. Тыңдалды. Балабақша меңгерушісі Жаштаева Айша Сапарқызы сөз сөйледі. 1. Ол өз сөзінде 2022 жылы 21- ақпан күні «Еркетай» ерте жас тобында «Әжеміздің орамалын әшекейлеміз» атты ашық оқу іс-әрекеті болып өтті. Тәрбиеші-Баубекова Алмагүл. Білім саласы- «Қатынас», «Шығармашылық». Білім қызметтері-Көркем әдебиет, Сурет салу.

Мақсаты: Балалардың тілдік-сөздік құзыреттіліктерін дамыту, баланы сурет салудағы алғашқы икемділіктеріне баулу. Тәрбиеші оқу іс-әрекетін топтық жиыннан бастады. Тосын сәт: топқа әже құрт-ірімшігін алып келеді. Балалар әжеге тақпақ айтып берді. Сергіту сәті болды. Тәрбиеші балаларды шығармашылық орталыққа алып барып, үшбұрыш етип қиылған ақ парақ бетіне бояу жағып әшекейледі. Жетістігі: ТРИЗ технологиясын (саусақпен сурет салу әдісі) қолданды.

Кемшілігі: Тілдік-сөздік қорын дамытуға жаттығу жасатпады. Тәрбиеші Баубекова Алмагүлге «орта» деген баға беріледі және келесі ашық сабақта жан-жақты ізденіп, дайындалу қажеттілігі түсіндірілді.

2. 2022 жылдың 22- ақпан күні «Балапан» кіші тобында ашық болып өтті. Тәрбиеші - Молдабек Гүлчехра. Тақырыбы: «Шалқан» ертегісі. Мақсаты: Көркем әдебиет шығармаларына деген қызығушылықтарын арттыру, тілдік-сөздік қорын дамыту. Сурет салу әдістерін үйренуге машықтандыру.

Білім саласы-«Қатынас», «Шығармашылық».

Білім қызметтері- «Көркем әдебиет», «Сурет салу».

Тәрбиеші балаларға жылулық шеңбер жасатты. Тосын сәтте топқа қарт ата кіріп келді. Аулаға шалқан ектім, еңбек еттім, су құйдым. Бір күні қарасам, шалқаным үлкеен болып өсіпті. Енді оны жұлайын десем, діңгегі қатты екен. Жұлынбай жатыр. Әрі қарай тәрбиешілер «Құршақ театрын»

Көрсетіп, Шалқан ертегісіндегі кейіпкерлерді сомдап шықты. Өте жақсы көрініс болды. Балалар қызыға қарап, тәрбиешінің сұрақтарына жауап беріп отырды. Келесі сәтте сергіту сәтін орындады. Тәрбиеші балаларды шығармашылық орталыққа апарып, губкамен алдарындағы шалқанның суретін бояды.

Жетістігі: Көрнекіліктердің сапасы жақсы.

Кемшілігі: Тәрбиешінің сөз саптауы, тілдік-сөздік қоры орта деңгейде.

Тәрбиеші Г. Молдабекке жақсы деген баға беріледі, - деді меңгеруші.

2022-жылдың 23- ақпан күні «Айгөлек» ортаңғы тобында «Орман жануарларының қысқы тіршілігі» атты ашық ұйымдастырылған оқу іс-әрекеті болып өтті. Тәрбиеші-Еспенбетова Молдір.

Білім саласы-«Қатынас», «Шығармашылық». Білім қызметтері-«Көркем әдебиет» және «Сурет салу». Мақсаты: -балалардың жыл мезгілдері туралы түсініктерін кеңейту. Орман жануарларының қысқы мезгіл туралы түсініктерін дамыту. Диапроектор арқылы орман жануарларының суреттері мен қыс мезгілін үйлестіре слайд көрсетті. Әр жануар мен аңдарды көрсетпес бұрын жұмбақ жасырды, балалар логикалық ойлана бастады. Тосын сәт барысында топқа сиқыршы кіріп келді. Тәрбиеші: Сиқыршы ормандағы барлық аңдарды сандыққа салып сиқырлап тастапты. Олардың бәрін босату үшін сиқыршының берген тапсырмаларын орындаймыз, -деп балаларға тапсырмалар бере бастады. 1-тапсырма-жұмбақ жасыру. 2-тапсырма- тақпақ айту. 3-тапсырма-шығармашылық орталыққа барып, сурет салу, бейнелеу. Бұл жерде балалардың



қызығушылығын арттыруды мақсат еткен тәрбиеші ТРИЗ,СТЭП-БАЙ СТЭП .мақтамен бейне жасау әдістер мен технологиялар қолданды. Келесі сәтте құрылымдалған ойын «Кім неге қоректенеді». 1-топ —мамық жүнді қоянды ақ мақтамен жапсыру.2.-тапсырма-Қасқырдың суретін бояуды себезгілеу арқылы салу. 3-тапсырма-кірпінің инелерін пластмасс шанышқылармен шаншу арқылы кірпінің бейнесін жасау.

Жетістігі: АКТ қолданды, сурет салу барысында жаңа технологиялар қолданды.

Ұсыныс: көркем әдебиет бөлімінде «мнемотехника» әдісін қолданғанда нұр үстіне нұр болар еді.

Тәрбиеші М.Еспенбетоваға жақсы деген баға беріледі ,-деді меңгеруші.

2022 жылы 24- ақпанда «Балдырған » ересектер тобында «Су асты тіршілігі» атты ашық ҰОҚ болып өтті.Тәрбиеші - Мауленова Алия. Білім саласы- «Қатынас», «Шығармашылық ». Білім қызметтері:

«Көркем әдебиет», «Сурет салу». Тәрбиеші балаларды шеңберге тұрғызып, шаттық шеңберін жасатты. Келесі сәтте балаларды су асты әлеміне алып барды. «Алтын балық» ертегісін әңгімелеп берді. Тосын сәтте топқа алтын балық келіп балаларды су асты әлемімен АКТ арқылы таныстырды. Топқа қайтып келіп, шығармашылық орталыққа барып, стэп-бай стэп технологиясы бойынша балаларды 3 топқа бөліп , шығармашылық жұмыстар жасатты. Дидактикалық ойын «Суретке қарап »сөйлем құрғызып үйретті.

Жетістігі: Жаңа технологиялар қолданды.АКТ,Стэп-бай стэп,ТРИЗ технологияларын қолданды. Тәрбиеші Мауленова Алияға өте жақсы деген баға беріледі деді.

2022 жылы 25 ақпанда «Балдырған » ересектер тобында «Клоун и игрушки» атты орыс тілі пәні бойынша ашық ҰОҚ болып өтті. ҰОҚты өткізген педагог- Тажиудинова Гүлнарай. Педагог балаларды шеңбер бойлай тұрғызып, «Круг приветствия » жасатты. Көптеген ойыншықтар бойынша тақпақтар айтқызды. Балалар орысша тақпақ айтты. Тілдік –сөздік ,грамматикалық жаттығу жасатты. Тосын сәтте топқа сайқымазақ-клоун келіп балалармен сөздік жұмыс жүргізді.

Жетістігі: АКТ қолданды,тілдік-грамматикалық жаттығу жасатты.

Ұсыныс: Балаларға диалог ,сөздік жұмыстар көптеп жүргізілсе .

7. Тыңдалды. Балабақша психологі Бердібаева Айтолқын педагогтарға арнап психо-тренинг өткізді. Психо-тренинг өте қызықты өтті.

#### ШЕШІМ:

1. Өткен кеңес шешімдері орындалды.
2. Медбике Ж.Тастанованың баяндамасы хаттамаға тігілсін.
3. Пікір алмасуға жақсы деген баға берілсін.
4. Тәрбиешілер аттестаттаудан өтуге өтініштерін тапсырсын.

5. Ашық ұйымдастырылған оқу қызметтерін өткен тәрбиешілерге : А.Баубековаға жақсы деген, Г.Молдабекке жақсы деген, М.Еспенбетоваға өте жақсы деген , А.Мауленоваға өте жақсы , Орыс тілі пәні мұғалімі Г.Тажидиноваға өте жақсы деген баға берілсін.

7. Психолог А.Бердібаеваның психо-тренингі хаттамаға тігілсін және жақсы деген баға берілісін.

Кеңес төрайымы



А.Жаштаева.

Хатшы



Г.Молдабек.

24.02.2022ж



Педагогикалық кеңес

Хаттама №4

10.03.2022

Қатысқандар саны: 11

Тақырыбы: «Педагогтарға жаңартылған мазмұнда жұмыс атқару –заман талабы».

Күн тәртібінде:

- 1.Өткен кеңес шешімдерінің орындалуы туралы.Меңгеруші А.Жаштаева
2. Презентация. «Стэп –бай –стэп технологиясы». Әдіскер М.Еспенбетова
- 3.Ашық ұйымдастырылған оқу қызметтерін талдау. Меңгеруші А.Жаштаева
- 4 . Бақылау және басқару. «Топтардың пәндік-дамыту ортасының сапасы қандай?»Меңгеруші А.Жаштаева
5. Психологиялық тренинг. Психолог А.Бердібаева.

1. Тыңдалды. Балабақша меңгерушісі Жаштаева Айша Сапарқызы сөз сөйледі. Ол өз сөзінде өткен кеңес шешімдеріне тоқталып өтті.Медбике Тастанова Жансаяның жасаған баяндамасы хаттамаға тіркелді. Тәрбиешілер : А.Адилова,Н.Әлзатова,а.Мауленова және Г.Молдабек аттестациядан өтуге тест.орталық арқылы өтініштерін берді. Қазір дайындық үстінде. Психолог А.Бердібаеваның тренингі хаттамаға қос тіркелді.

Сөйлегендер :

Мауленова Алия,тәрбиеші: -Құрметті әріптестер 2019 ж 27 –желтоқсанда «Педагогтар мәртебесі » заңы қабылданғалы бері өте жақсы үдеріс келген екен ,яғни әркімнің біліміне қарай ,және еңбегіне қарай еңбек ақымызға қосымша ақы төленеді,егер де сынақ тан өтіп келсек.Сондықтан дайындалайық,оқиық ,ізденейік.Мен үшін бұл өте қолайлы,маңызды. Біліміңіз артып,бүлдірішіндерды оқытып тәрбиелеуде әрқашан ізденісте болып,кәсіби шеберлігімізді арттыра берейік.

2. Тыңдалды .Балабақша әдіскері Еспенбетова Мөлдір Үсенқызы сөз алды.: -Құрметті әріптестер,мен бүгін сіздерге жаңа ,бірақ көптен бері қолданыста жүрген технологиямен сіздерді жан-жақты таныстырып,өз тәжірибеммен бөліскім келеді.-Бұл технология стэп-бай- степ ,яғни қадам сайын қадам бас . Бұл технология барлық топ тәрбиешілеріне өте қолайлы. Мұнда да монтеessori технологиясы секілді баланың еркін ойлауы секілді оқу қызметтерін түрлі орталықтарға бөліп өтуге болады. \* Мысалы, баланың жеке қызығушылығына байланысты шығармашылық,географиялық, құрылыс және тағы сол секілді орталықтардан тұрады. ,. Бір ерекшелігі балалар ұжым болып еңбек ету арқасында бір- біріне көмектеседі, бірі -біріне деген

мейірімдері арта түседі. Жақындз стәп- бай- стәп технологиясы бойынша «Сиқыршы мен қанқыз» атты ұйымдастырылған оқу қызмтін өттім.Қазір сіздерді видеосын көруге шақырамын.

Сөйлегендер:

Г.Молдабек,тәрбиеші:-Құрметті әріптестер ,маған ашық сабақ өте ұнады. Шынында балалар бір біріне көмектесіп жатыр,бәріне ұнап жатыр ,ең бастысы бәрі қызығып еңбек етіп ,тапсырмаларды қызыға орындап жатыр . Алдағы уақытта да баланың дамуына арналған осындай әдіс –тәсілдер мен ашық сабақтарды көптеп өте берейік ең бастысы деніміз сау болсын,балалар аман болсын.Мөлдір апайға рақмет.

3. Тыңдалды.Балабақша меңгерушісі Жаштаева Айша Сапарқызы сөз сөйледі. Ол өз сөзінде :- Құрметті әріптестер, 2022жылдың 11-ақпан күні «Балапан » кіші тобында «Шынықсаң,шымыр боларсың» атты спортық сйыс болып өтті. Ұйымдастырған тәрбиеші-Молдабек Гүлчехра апай.Мақсаты: балаларды ептілікке ,шапшаңдыққа ,икемділікке баулу. Тәрбиеші балларға бірдей форма кигізген . Алдымен денені ширату жаттығуын жасатты. Балаларды екі командаға бөліп,сәбіздерді себетке салу,алмаларды қорапқа жинау,арқан тарту ,допты бір-біріне домалату секілді тапсырмаларды орындатты. Сафс соңында баларғ қтықндарыүшін деп бір-бір бананнан берді.

Кемшілігі: балалар өте баяу қимылдады. Тәрбиеші өзі жылдамдықты көрсетіп беру керек еді.

Жетістігі: Көрнекіліктері өте сапалы,мол етіп жасалған екен. Жалпы тәрбиеші мектепке дейінгі оқыту мен тәрбиелеуді бітіргені көрініп тұр, балаларды өзіне .үнемі баурап алып,мақтап,мадақтап отырды. Тәрбиешіге жақсы деген баға беріледі деді Меңгеруші.

4. Тыңдалды .Балабақша меңгерушісі Жаштаева Айша Сапарқызы сөз сөй.леді. Ол өз сөзінде 2022-жылдың 01.наурыз күні балабақша бойынша Бақылау және басқару жүргіздім .Тақырыбы:- топтардағы пәндік –дамыту ортасының сапасы қандай деңгейде? Барлық топта қатынас саласына арналған құрал-жабдықтар өте көп. Ертегілерге арналған макеттер жеткілікті. Сенсорика ,математика бойынша құрал жабдықтар бар. Бірақ спорттық,денешынықтыру бойынша материалдар өте аз. Сондықтан ,осы денсаулық саласына қатты көңіл бөліңіздер.қолдан жасайтындарын жасап сатып алатын заттарды сатып алайық . Ең керегі бізге балалардың қолдарында спорттық құрал –жабдықтар болу керек. Табиғат бұрышы толық жабдықталмаған . Әскери-патриоттық бұрыштар атымен жоқ. Жолда жүру ережелеріне арналған бұрыштар жасалмаған. Сондай ақ еңбек бұрышына арналған,құрал-жабдықтар жоқ. Сонымен қатар ,сюжеттік –рөлдік ойындарға ,мысалы , «Дәрігер», «Дәріхана», «Дүкенші», «Шаштараз», «Пошта», «Мектеп » , «Асхана» және тағы басқа рөлдік ойын ойнатуға арналған атрибуттар мен көрнекіліктер өте аз. Қорытындылай келе, құрметті әріптестер , күн сайын бір көрнекілік жасай



берсеңіздер бір айдың ішінде, көптеген қыруар құрал-жабдықтар мен көрнекіліктер пайда болып қалады.

Сөйлегендер :

Мауленова Алия, тәрбиеші: -Айша Сапарқызы өте дұрыс айттыңыз. Ия шынымен де көрнекіліктердің сапасы сын көтермейді. Уақыт өте береді. Аттестация уақыты лезде келіп қалады. Біз әрқашан да келген сынға дайын болуымыз керек. Сондықтан жұмыла көтерген жүк жеңіл деген. Жасап қоямыз деп уәде береміз.

5. Тыңдалды. Балабақша психологі Бердібаева педагогтармен атты психологиялық тренинг өткізді.

Сөйлегендер :

Адилова Айгерім, тәрбиеші: Маған тренинг өте қатты ұнады. Көңіл –күйіміз көтеріліп қалды. Айтолқын апаға көп рахмет.

ШЕШІМ:

- 1.Өткен кеңес шешімдері орындалды.
2. Әдіскер М.Еспенбетованың презентация сабағы хаттамаға тіркелсін және жақсы деген баға берілсін.
- 3 «Балапан » кіші топта ашық ұоқ ұйымдастырған тәрбиеші Молдбек Гүлчехраға жақс деген баға берілісін.
4. Бақылау және Басқарудың тақырыптық тексеру бойынша пәндік –заттық дамыту орталықтарының көрнекіліктері бір ай мерзімде толықтырылсын.
5. Психолог А.Бердібаеваға жақсы дген баға берілсін.

Кеңес төрайымы



А.Жаштаева

Хатшы:



А.Мауленова.

Педагогикалық кеңес

Хаттама №5

27.05.2022.ж

Қатысқандар саны -12 11

Тақырыбы: «Дені сау ұрпақ –болашақ ұлт кепілі.»

Күн тәртібінде:

1. Өткен кеңес шешімдерінің орындалуы туралы. Меңгеруш А.Жаштаева.
2. Тәрбишілердің шығармашылық жұмыстарына есеп беруі туралы. Әдіскер М.Еспенбетова.
3. Жазғы мерзімнің жұмыс жоспарын бекіту туралы. Меңгеруші А.Жаштаева.
4. Балалардың қорытынды мониторингі туралы. Әдіскер М.Еспенбетова.
5. Ашық оқу қызметтерін талдау туралы. Меңгеруші А.Бердібаева.
- 6.Психологиялық тренинг туралы. Психолог А.Бердібаева.

1.Тыңдалды. Балабақша меңгерушісі Жаштаева Айша Сапарқызы сөз сөйледі. Ол өз сөзінде өткен кеңес шешімдеріне тоқталды. Әдіскер М.Еспенбетованың «Стэп-бай стэп » технологиясына арналған ұйымдастырылған оқу қызметінің дискісі хаттамаға тіркелді. Меңгерушінің бақылау және басқару дың анықтамасы бойынша барлық топтарда пәндік –заттық дамыту орталықтары 5 білім саласының көрнекіліктері жасалды,толықтырылды.

2. Тыңдалды. Балабақша әдіскері Еспенбетова Мөлдір сөз алды. Ол өз сөзінде 2021-2022 оқу жылында біздің педагогикалық ұжым ай сайын жылдық жоспармен бекітілген іс-шараларды ұйымдастырып отырды деді. Балабақша меңгерушісі Айша апай да әр хаттамада талдау жүргізіп отырды . Бірақ кейбір тәрбиешілер өздеріне жүктелген шығармашылық жұмыстарын белгілі немесе белгісіз себептермен ұйымдастыра алмай қалды. Қазір мен кім орындады,кім орындай алмады ,бірін айтатып шығамын

- 1.Тәрбиеші ,Әлзатова Нұрсұлу : - «ТРИЗ технологиясы»-тапсырды.
- 2.Тәрбиеші ,Адилова Айгерім: «Денсаулық технологиясы »- тапсырды.
- 3.Тәрбиеші , Құрбанова Сәуле : «Ойын технологиясы»-тапсырды.
- 4.Тәрбиеші, Баубекова Алмагүл: «Құм терапиясы »-тапсырды.-тапсырды
- 5.Тәрбиеші Еспенбетова ,Мөлдір:- «Стэп –бай- стэп» технологиясы. тапсырды
6. Музыка жетекшісі, Сарбасова Қалима:- «Қазақ ұлттық ойындары» тапсырмады
- 7.Тәрбиеші Мауленова Алия : «Воскобович » әдісі тапсырмады.
- 8.Меңгеруші Жаштаева А: «Балабақшадағы салауатты өмір » тапсырды



9.Әдіскер Тұңғатова : «Кюзенер таяқшалары» тапсырмады

10. Тәрбиеші Молдабек Гүлчехра:-«Ертегі терапиясы». Тапсырмады.

11. Орыс тілі мұғалімі Тажиудинова Гүлнарай:- «Монтессори технологиясы» тапсырмады.

12. Тәрбиеші Мауленова Алия: - «Театр және балабақша». Тапсырмады.

Сөйлегендер:

Жаштаева Айша Сапарқызы ,меңгеруші : - Құрметті әріптестер ,шығармашылық жұмыстарыңызды тапсырмағандарыңыз ертерек тапсырыңыздар .Мерзімі: 1 апта. Тапсырмасаңыздар түсініктеме жазасыздар деді меңгеруші.

3. Тыңдалды . Балабақша меңгерушісі Жаштаева Айша Сапарқызы сөз сөйледі .Ол өз сөзінде 2021-2022 оқу жылы аяқталып ,енді балабақша мен балаларды жаз мерзіміне дайындау керекпіз. Ойын алаңдарын әктеп,сырлап,ойын ойнайтын көрнекіліктерді жасау. Тәрбиешілер балалардың ата аналарына жаздық киімдер ,аусымдық киімдер ,жаздық бас киімдерді кигізіп жіберіп отыруы керек. Жазғы іс-шаралардың сабақ кестелері мен жазғы сауықтыру іс-шараларының жоспарын бірлесе отырып түзіп, маған бекітуге құжаттарыңызды алып келіңіздер деді. Әрбір топтың сабақ кестесі ,перспективалық жоспары мен апталық циклограммалары түгел жоспарланып бекітуге акелесіздер Мерзімі.- 1 апта. Сондай ақ 3 ай барысында бір реттен ашық оқу қызметін ұйымдастырасыздар деді меңгеруші. Сонымен қатар ересек тобында «Балақайлар мектебі » бағдарламасының сабақ кестесі мен перспектива,циклогра ммасы бөлек түзілітіндігі жайлы ескертемін деді меңгеруші.

4.Тыңдалды. Балабақша әдіскері Еспенбетова Мөлдір сөз алды. Ол өз сөзінде Балабақшада үш мерзімді мониторинг тапсыру үрдісі жолға қойылған. Бастапқы,аралық,,қорытын,ды. 2021—2022 оқу жылында 1-деңгейлі балалар-8,3 пайызды құрады. 2-деңгейлі балалар 74,1 пайызды құрады. 3-деңгейлі балалар 17.6 пайызды құрады. Жалпы балалардың даму деңгейі осылай болды. 1-деңгейлі және 2-деңгейлі балалармен көбірек жұмыс жүргізу керек. Тәрбиешілерге алдағы оқу жылында балалармен жан-жақты жұмыс жүргізіңіздер дегім келеді.

5. Тыңдалды . Балабақша меңгерушісі Жаштаева Айша Сапарқызы сөз сөйледі. Ол өз сөзінде 2022-жылдың сәуір айында бірнеше ашық оқу қызметері болып өтті.

2022 жылы 11 сәуір күні «Айгөлек » ортаңғы тобында «Эмоция әлемі » атты балаларға арналған тренинг өтті. Ұйымдастырған –Психолог А.Бердібаева . Мақсаты: балаларды әр түрлі смайликтер арқылы эмоция түрлермен таныстыру. Эмоцияларды ажырата білуге баулу. Түрлі қызықты ойындар ойнатты ,қиылған сурттерді құрастырды,жәндіктер мен жанарлрдың бейнесінің суретін салғызды. Психолог А.Бердібаеваға жақсы деген баға беріледі.

2022-жылдың 13- сәуір күні «Балдырған» ересектер тобында «Сиқыршы мен қанқыз » атты ұйымдастырылған оқу қызметі болып өтті.Тәрбиеші –Еспенбетова Мөлдір. Мақсаты.- балалардың

жәндіктер туралы білімдерін кеңейту. Балалардың логикалық қабілетрін дамыту, пішіндерді ажырата білуге, сурет салу техникасын үйренуге баулу. Тәрбиеші оқу қызметін Акт бойынша проектрдан жандіктер туралы суреттер көруден бастады. Келесі сәтте тосын сәт. Топқа сиқыршы кіріп келді. Ол балаларға сиқыр көрсетті және қанқыз қоңыздарын тасқа айналдырып жібергенін айтты. Сиқыршы 3 тапсырма орындасаңдар тасқа айналдырған қанқызына жан бітіремін деді.

1-тапсырма-математикалық орталық .Мұнда балалар сандар нешеу болса ,сонша түтікшелерды санап орналастырды.

2-тапсырма .Бұлттар артында пішіндер жасырылған .Балалар қандай пішіндер екенін дұрыс айтты.

3-тапсырма-Алдарында жатқан ,алдын ала қызыл түске боялған тастардың бетіне қоңыздың көзі мен мұртын ,көйлегінің үш нүктесін қара түспен бояу керек деген тапсырманы да өте жақсы орындады.Келесі сәтте балаларға «Не қайда тұрады?»деген дидактикалық ойын ұсынылды. Арабалға қонады ,көбелек- гүлге қонады, қоңыздар –гүлге,сабағына қонады деп балалар бұл жолы да дұрыс жауап беріп қызыға ойнады. Тәрбиеші дәстүрден тыс сурет салу әдісін,Триз технологиясын қоданды. Тәрбиешіге жақсы дген баға беріледі.

2022-жылдың 26- сәуірде «Балдырған » ересек тобында «Сенімді дос-бағдаршам » атты ашық ұйымдастырылған оқу қызметі болып өтті.Мақсаты-балаларға өздерін қоршаған ортасында болып жатқан құбылыстар туралы түсініктерін кеңейту.Бағдаршам мен көліктер туралы кеңінен мағлұмат беріп балаларды қауіпсіздік шараларын үнемі бұлжытпай орындауға пысықтау. Тәрбиеші.:-

Мауленова Алия. Балаларға шаттық шеңберін жасатты. Бағдаршам макетін ортаға қойып балаларға рөлдерді қолдарына алып жолда жүру ережелерін ойнатты. Әр балаға бір-бір тақтайшадан беріп ,воскобович әдісі бойынша көліктерді резеңке арқылы төртбұрыш,дөңгелек жасатты. Көліктер мен бағдаршам туралы тақпақтар айтқызды. Тәрбиеші Мауленова Алияға жақсы деген баға беріледі деді меңгеруші.

#### Сөйлегендер:

Баубекова Алмагүл,тәрбиеші: -Бүгінгі Айша апайдың ашық сабақтарды егжей- тегжей ті талдағанына риза болып отырмын. Айша апай,біздің сізден үйренеріміз әлі өте көп,әдіс-тәсілдеріңізді бізбен бөлісіп,ақыл-кеңестеріңізді беріп, деніңіз сау боп жүре беріңіз .

6. Тыңдалды .Балабақша психологі Бердібаева Айтолқын сөз сөйледі. Ол өз сөзінде педагог тәрбиешілермен «Менің көңіл күйім » атты психологиялық тренинг өткізді.

#### ШЕШІМ:

1. Өткен кеңес шешімдері орындалды.
2. Тәрбиешілер шығармашылық жұмыстарын бір апта мерзімінде меңгерушіге тапсырсын.
- 3.2021-2022 оқу жылындағы жазғы,сауықтыру шараларының жоспары мен ұйымдастырылған оқу қызметінің кестелері бекітілсін.
4. Балалардың үш мерзімдегі мониторинг қорытынды бағаларын тәрбиешілер зерделеп, жаңа оқу жылында төмен деңгейдегі балалармен көбірек жұмыстар жүргізісін.



5. Ашық ұйымдастырылған оқу қызметтерін өткен тәрбиеші – педагогтер  
А.Бердібеваға, М.Еспенбетоваға, А.Мауленоваға жақсы деген баға берілсін.

6. Психолог А.Бердібаеваға тренинг ұйымдастырғаны үшін жақсы деген баға берілсін.

Кеңес төрайымы



А.Жаштаева

Хатшы



А.Мауленова.

27.05.2022жыл